

14 June 2011

“KIZUNA” Dari Jepun Untuk Malaysia

“KIZUNA” bahasa Jepun yang bermakna ikatan persahabatan. Jepun telah dilanda gempa bumi dan tsunami yang tidak diduga pada 11 March lepas. Semenjak itu, kami menerima derma dan mesej-mesej baik dari seluruh Malaysia. Terdapat juga sumbangan dari rumah anak-anak yatim. Perasaan kami sangat tersentuh apabila kanak-kanak yang tidak berumah berkongsi wang dan ingatan kasih mereka dengan rakyat Jepun yang di timpa kesusahan.

Bila kami dengar berita tentang tanah runtuh yang mengorbankan nyawa 16 anak di rumah anak-anak yatim Hidayah Madrasah Al-Takwa di Hulu Langat, kami, diplomat Jepun di Keduataan Jepun di Malaysia, berfikir kami perlu menunjukkan "Kizuna" untuk Malaysia. Doa kami bersama rakyat Malaysia yang cuba untuk membina semula rumah anak-anak yatim ini di tempat yang lebih selamat. Lantaran itu, kami memutuskan untuk melakukan apa yang boleh.

Selain sumbangan sukarela dari diplomat-diplomat Jepun, Kerajaan Jepun dan Malaysia telah menandatangani satu perjanjian untuk membuat penyelidikan bersama iaitu "Mengurangkan Kerosakan Bahaya-Geo di Malaysia, Akibat Tanah Runtuh dan Banjir" (Reducing Geo-hazard Damage in Malaysia caused by Landslide and Flood) Profesor dan penyelidik terkemuka dari University Chiba, University of Tokyo dan Institute Penyelidikan Kebangsaan untuk Sains Bumi dan Pencegahan Bencana (NIED) akan datang ke Malaysia untuk menjalankan kajian bersama dengan University Sains Malaysia (USM) selama 5 tahun.

Tel: 03-2177-2600

Embassy of Japan

No. 11, Persiaran Stonor,
Off Jalan Tun Razak,
50450 Kuala Lumpur,
Malaysia.

Projek ini, satu metodologi baru untuk pemetaan geographi bencana tanah runtuh yang membahayakan dan akan dimajukan melalui teknologi satelit ruang angkasa. Bajet untuk projek di Malaysia ini berjumlah 360 juta yen (bersamaan RM13 juta) dibiayai sepenuhnya oleh Kerajaan Jepun.

Kami akan ingati "Kizuna" yang ditunjukkan oleh rakyat Malaysia dan akan membuat hajat "Kizuna" kami untuk Malaysia jika berlaku malapetaka tanah runtuh pada masa akan datang. Hati kami bersama anda Malaysia.

Diplomat Jepun

Kedutaan Jepun Di Malaysia